

Golinzgaeq

蒲公英

武鸣县仙湖镇中桥小学四(2)班 潘玉婷

Golinzgaeq dwg cungj doenghgo cw x ndeu, ndaw naz, henz roen, dauqcawq cungj miz.

Seizcin, golinzgaeq ndonj gyaeuj ok congh namh daeuj, ganj de gig dinj, ndaw heu, bien mbaw lumj bien loekgawq. Gvaq duenh seizgan he, ganjheu menhmenh maj sang, maj co, youq dingj ganj hai ok baez duj baez duj vahenj iq.

Seizhah daengz lo, gij va golinzgaeq couh hainduj loenj lo, youq giz simva maj ok gij

doxgaiq lumj giuz-yungz nei, miz saekhau, miz saekhenj, gig ndei yawj. Seizneix, danghnaeuz miz raq rumz ci daeuj, giuzyungz golinzgaeq couh hainduj mbin ok baenz aen baenz aen "liengj iq". Laj gaenz "liengj iq" daiq miz naed ceh iq ndeu, "liengj iq" dauqcawq youz, lumj fouzsoq duz mbungqmbaj youq

gwnzmbwn diuqfoux, ndei yawj raixcaix.

Golinzgaeq riengz rumz, doek youq gizlawz couh maj youq gizlawz. Gou gig boiqfug gij swnghmingliz geng de, gou yaek hag de cungj cingsaenz neix.



Yawj 《Gwnz Daihangzsanh》 Miz Gamjsiengj

观《太行山上》有感

上林县大丰镇皇周小学四年级一班 黄周明

Ngoenz singhgiz sam gyanghaet, yozyau raeuz daengxcungq doengzhag cungj bae denyingjyen yawj denyingj 《Gwnz Daihangzsanh》.

Raeuz daeujdaengz denyingjyen, denyingj sikhaek hainduj lo, raeuz nyinhcaen yawj. Cuh Dwz cijveih Bazluginh youq Niengzswjgvanh boemz dwk, Yizbwnj ginhdui daeujdaengz Niengzswjgvanh seiz, Bazluginh baez yoengx hwnjbae, Yizbwnj ginhdui raen yienghneix cungj ndonj deuz liux, deuz ma cungjbu. Lij miz baez ndeu, Bazluginh gung haeuj ndaw Yizbwnj ginhdui, dawz Yizbwnj feihgih cungj

hoenx vaih liux, hawj Yizbwnj ginhdui doeknaiq dangqmaz. Yienghneix Yizbwnj ginhdui hozndat raixcaix, dajsuenq youq Bwzbingz hoenx raeuz dai liux bae. Mboujgvaq hix deng Cuh Dwz dungzci yawj byoengq lo, gyoengqde caeux youq Bwzbingz souj dwk, caj Yizbwnj ginhdui daeuj. Dahraix Yizbwnj ginhdui daeuj lo, doeklaeng, Yizbwnj youh deng hoenx baih lo, Bazluginh gungh hoenx le 1095 ngoenz, cij hoenx baih 13 fanh bing Yizbwnj, hoeng, Cungguk raeuz hix dai le 10 fanh lai vuz, hoeng ndaej sou it fanh lai gienh vujgi, Cuh Dwz naeuz: "Mauz Cwzdungh



naeuz didaucan ndei, hoeng gou nyinhnaeuz, cij aeu hoenx ndaej hingz cungj dwg cansuz ndei."

Yawj denyingj sat le, gou siengj: Ngoenzneix raeuz ndaej naengh youq aen gyausiz neix yozsiz gig mbouj yungzheih, cungj dwg haujlai lezsw aeu lwed vuenh daeuj ha.

Gou roengz gietsim itdingh ndeindei yozsiz, bauqdap guek-coj! (指导老师: 蒙绍山)

Ra Duzgyapbangx

摸河蚌

贵港市覃塘区蒙公乡高占小学二(1)班 韦飞扬

Ngoenzneix gyanghaet, daengngoenz daxgoeng loh ok aen naj riunyumj de. Gou caeuxcaeux couh hwnqdaej gwn cuk haeuxyangz lo. Daxdaiq dwk denva daeuj: "Feihyangz daeglan ha, dah nuengxbiuj gaeng dauqma daengz ranz daxdaiq lo, mwngz hix dauqma ranz daxdaiq ba!" Baez dingqnyi aeu bae ranz daxdaiq, gou sim' angq dwk diuq hwnjdaej, lienzmuengz heuh daxboh daxmeh itheij bae ranz daxdaiq.

Daeujdaengz ranz daxdaiq, dou itheij angqangq yangzyangz gwn ngaiz. Gwn ngaiz gvaq le, dou doxiu bae henz dah ra duzgyapbangx. Gou caeuj dah nuengxbiuj fwngz gaem fwngz buet gonq, daxmeh riuj aen doengjgyau byaij youq baihlaeng. Daeujdaengz henz dah,

dou hid gavaq genbuh le couh roengz raemx bae ra duzgyapbangx lo. Dou youq henzdah ra ha ra, buenqngoenz hix ra mbouj ndaej saek duz, sim mizdi mbwq lo. Seizneix, dangqnaj miz song boux daeggo byaij daeuj, cijraen boux

daeggo ndeu dangh roengz ndaw dah daeuj, de youq ndaw boengz bumh bae bumh dauq, ya? Duz duzgyapbangx youh hung youh biz ndeu deng de log hwnjdaej lo. Gou boiqfug de lai lo, lienzmuengz dangh gvaqbae heuh de son. Daeggo riu dwk lwnh naeuz: "Duzgyapbangx dingzlai dwg ndoj youq ndaw gehrin, danghnaeuz duzde ndoj ndaw boengz seiz cungj dwg bak ajngab. Mwngz siujsim di couh ra ndaej raen lo." Gou caeuj dah nuengxbiuj ciuq gij fuengfap daeggo gangj haenx bae bumh, mbouj yaephe, dou hix ra ndaej geij duzgyapbangx youh hung youh bizbwd lo.

Seizgan gvaq ndaej caen vaiq ha, daengngoenz daxgoeng yaek doek roengz bya lo, gou caeuj dah nuengxbiuj, daxmeh hix riuj doengj duzgyapbangx rim angqvauvau dwk baema lo.

Ra duzgyapbangx caen angq ha!

(指导老师: 韦彩芳)



Gwnz seiqgyaiq gij gyaenz ceiq hungmbwk haenx couh dwg gij gyaenz daxmeh. Gij gyaenz daxmeh lumj rumzcin raeujrub, lumj daengngoenz ronghlwenq, de dwg geijlai cingh ha,

youq gij gyaenz daxmeh gujli baihlaj, gou ciemhciemh majhung maenh'ak.

Daxmeh gou mbouj sang mbouj daemq, lwgda gig hung, byaem dinj hoeng gig ndaem, bouxvunz unqswnh, ndeigyaenz. Daj gou seng daengz seizneix daxmeh mbouj rox vih gou yousim geijlai.

Bi ndeu seizdoeng haemh ndeu, gou deng rumz liengz baenz bingh lo. Daxmeh soengq gou bae yihyen yawj bingh, byaij daengz byongh loh, sawqmwh baet raq rumzhung ndeu, daxmeh gaenjgip dawz geu buh hung

baihrog de duet roengzdaej, cw ndang gou. Aenvih lau gou deng rumz baet lai, daxmeh byaij youq baihnaj dangj rumz, gou byaij youq baihlaeng, rumz baet mbouj daengz geijlai, caemhcai aemq geu buh daxmeh he, gou gamjdaengz gig raeuj, di hix mbouj gamjdaengz nit, hoeng, daxmeh deng rumz baet ndaej naj heu bak aej. Gou siengj dawz geu buh daxmeh hawj daxmeh daenj, daxmeh cij naeuz: "Mbouj youqgaenj, gou mbouj nit." Daeujdaengz yihyen, yihswng h bang gou yawj bingh, hai fuk yw hawj gou

Daxmeh Gou

我的妈妈

德保县都安中心校五(2)班 黄金贵

caiq dwk cim le, doiq daxmeh naeuz gij bingh gou mbouj youqgaenj, mbouj geijlai nanz couh ndei lo. Dingq le gij vah yihswng h, aen naj daxmeh cij miz di riu.

Daxmeh mboujdan h gvensim ndangdaej gou, vanzlij gvensim gou yozsiz. Miz baez ndeu, yijvwnz gou ngamq gauj ndaej 80 faen, gou mbouj gamj gangj hawj daxmeh nyi, lau de ndaq gou, doeklaeng daxmeh rox le, mboujdan h mbouj ndaq gou, lij doiq gou naeuz: "Saetbaih cij rox hit, saetbaih mbouj youqgaenj, cijaeu ra ok yenzynh, laebdaeb roengzrengz couh gojyij cwngzgungh." Gangj sat daxmeh youh bang gou ra gij yenzynh cingzcik doeklaeng, menhmenh gangj-gaij hawj gou, hawj gou rox gaij.

Daxmeh gyaenz gou gangj hix gangj mbouj sat, sij hix sij mbouj liux, daxmeh, gou mbouj hawj mwngz saetmuengh, gou itdingh aeu cingzcik ndei daeuj bauqdap mwngz.

(指导老师: 陆凤音)